


2019 Jârimi Kaujititsiutik





Nunatsiavut Group of Companies

Corporate Office
2-6 Royal Street
PO Box 1000, Station B
Happy Valley-Goose Bay, NL
A0P 1E0

Tel: (709) 896-8505
Fax: (709) 896-5834
Email: info@ngc-ng.ca

Annual Report design by: Sananguativut: Nunatsiavut Visual
Design © 2020

PHOTOS
Cover: Kyle Ingram

2019 Jârimi Kaujititsiutik

Labradorimi Inuit Pannaigutingata kenaujakkuvinga

KINAKKOMANGÂTTA....

Ukua Nunatsiavut Group of Companies kenaujaliugutik unuttunik aulatsidlutik ilonnâgut namminigijaudluni ikajuttigegutaudlunilu ilonnâni Labradorimi Taggânilu. ilauKataujut inuit Nunatsiavummi Labradorimi Inuit kenaujatigut kenaujakkuvingani.

NGC-kut ailfait kampaningit suliaKattisivut 500-kasânik inunnik, taikkua 45%-tingit Nunatsiavummut Ikajuttaugutilet.

NGC-kut tugâgutinga sakKititsigiamik kenaujatsanginnik Ikajuttaugutilet Nunatsiavummi ammalu piguttisillutik kinguvânik kenaujaliugiamut sivukkatattisanik sakKijânginnaniattunik nunaminillu atullutik namminik kenaujaligutininik.

SakKititausimavugut tungaviKadluta sulijutsanimmik atuKattajunik ilikKusinginnik ilusituKanillu Nunatsiavummi.

Nunasiavut

Group of Companies



Vale Partnerships



Ilumiutangit

KINAKKOMANGÂTTA.....	4
UKAUTAUNINGA COVID-19 KANIMMASIK AMMALU ATTUINIGISIMAJANGA 2020-MI AULAJANGINNIK.....	9
MISITJIK KATIMATITSIJIMMIT	13
MISITJIK ANGAJUKKÂMIT ANGAJUKKAUNINILLU.....	14
NUNATSIAVUT IMAPPILIGIJINGIT INC. (NMI).....	21
NULUAK OGANNIATET	22
GOOSE BAY KENAUJATIGUT KUAPARESANGA (GBCC).....	25
NGC ADJIGENGITUT SULIANGIT INC.	26
NUNAK KUAPARESAK (NUNAK)	28
TORNGAIT SERVICES INC. (TSI).....	29
TIMMIAK SANAJET LIMITED.....	32
UNIVERSAL KULIMIGOT	33
AIR BOREALIS.....	34

UKIUTTATUMI INUIT SULIATSANGIT (PAIL).....	37
NGC SAKKITITSISIMAJUK SILATSUALIMÂMI INUIT KENAUJALIUGIAMUT KATINGAJINGINNIK	38
KAMPANIUJOP INUIT KAMAGIGIALINGIT.....	39
ANGAJUKKAUNET KATIMAJET	44
KENAUJALIGIJIUKATIGET	46



UKAUTAUNINGA COVID-19 KANIMMASIK AMMALU ATTUINIGISIMAJANGA 2020-MI AULAJANGINNIK

2019 nâjilittilugu, nunatsuak KaujilaukKuk sakKisimanginga Kanimmasik China-mi.


Kaujimangilagut Kanuk uKagiamik sulâmmangâta aulatsiusivut Nunatsiavut Group of Companies-inik Kanuk attutauniKalâmmangât COVID-19-mut Kanimmasimmut 2020-mi. Taimaimmat, uKautausimajut ubvalu nigiugijaujut uKausittait 2020-mi atuattausiagiaKavut.

2019 KENAUJALITTÂJUT -ATUTTAUSIMAJUT



LICST katitsutaumajut \$41,156,130

2019 kENAUJALITTÂJUT -kENAUJALIUTTAUMAJUT



LICST katitsutaumajut \$37,164,718





MISITJIK KATIMATITSIJIMMIT

Ukua Nunatsiavut Group of Companies kenaujaliuvik sakKititsigiamik kenaujaliugutitsanik inuillu illigijanginnik Nunatsiavummiunut Ikajuttaugutilinginnulu. Ununnisait Ikajuttaugutilet sivukkatattiulalikKut suliaKadlutik NGC-kuni. PiusiumititsilikKugut suliansanik Nunatsiavut inosuttunginnut. SakKelikKugut ikajuttigennimik, atittinik tamânekKujituinnalugata kampanimi, tâvatuak ikajutti-usiagumalluta Ikajuttaugutilet ilinniasianiammata suliansanik atugiaKalâttaminik aulatsigiamut kampaniujumi sivunitsatinni. kenaujaliugatta, kenaujaliugutjiKattavugut ikajuttaugutitsanginnik ilonnaita Nunatsiavummiut.

kamaluanginnaniakKugut ilingajunik Nunatsiavummut. Tâvatuak amma nutânguvugut kampaniujut tilijausimajut KinikKujaudluta pivitsanginnik Inuit Nunangat ammalu ilonnâni Canadami. Taimaimmat NGC mâniaKamik sakKisimalaukKuk ukutigonak Inuit Pivalligiamut kuaparesangani katutjiKatigennimi, katingajet Kinugainnaniattut federal kavamanganit ammalu Kanuttojunit sulijumik itjagatsaulutik sivunitsatinni taggâni pivalliajuni. Ilauttitaujut Inuit kenaujatigut pivalligiamik kuaparesangani, IDCA kamatsianiattuk Ottawa ilitatsisiakKulugu ilautitsilunilu pivalligiamut kuaparesavut Kinigiamut sulijunik pivalligiamut taggâni. Canada takunnagiasimmat taggânimunik, asinginnilu nunanik, ilautillugit Russia, China, ammalu United States pannailigemmata atugiamik unuttunik nunamiutanik akitujunik Ukiuttatumi ammalu sakKivalliajunik ingiggautet akKutinginnik.

NGC-kut pitsiasimaningit mâni Nunatsiavummi sivukkatattiKattivâtigut, ilisimanimmik, takunnagiamillu anginitsanik taggâni ilisimajaujunik. NGC-kuni akuniunitsak sivukkatattigisimalitangit Inuit Nunatsiavummi, ammalu ilonnasiangit angajukKauKatigengit. AtuniakKugut unuttunik ilisimatsiajanginnik sakKitisimajavut mâni angiggatinni sakKititsigiamut nutânik pivitsanginnik Ikajuttaugutilitta.

Allât Kinigaluagutta nutânik pivitsaujunik silatingani avittusimajuit, ilauKataujut kinakkomangâtta ammalu Kanuk pimangâtta kajusimainnaniattut atsungittusimaluni pivitsak mâni Nunatsiavummi. kenaujaliugutivut taggâni satjugiammi tingjoliginik. IlauiKataunivut imappini ingiggautet nunagijattini. Sanajavut sanaKattajut nutânik atuttaugatsanik Nunatsiavummi. Ikajuttigennivut TSI-kulu kajusimavut piguvalliadlutik ammalu pitaKattisigunnadlutik pivitsaujunik Ikajuttaugutilet suliat-saKattitaullutik Vale-kuni ammalu kajusimadlutik pivalligiamik ilisimagialinginnik. Vale-kut ikajuttivut atuinnaulauttut ingiggâlagiamik ujuganniavimmik angijuguttitaugiappat 2018-mi. IlauiKataunivullu Air Borealis uKautigillugit Nunatsiavut tatannatungit ilikKuset, sivunganinitait, ammalu niuggutitsiKattanik Torngat KakKasuanginni InigijauKattajumi.

Pivallianittini nutânik, naluliumavugut. Namminik kenaujaliugutet uKumaittogunatut. kajusimaKattavugut uKumaittutigit aulatsinittini. Tâvatuak sivukkatattiKatsiavugut ammalu takunnadluta kajusiutitsatinnik. Atuinnausiavugut ilingajunik uKumaitsanimmut ammalu pivitsanut sivunitsatinni.

Mertz 31, 2020-mi, Clint Davis nukKalauttuk katimatitsijiugiamik LICST-kuni asianik suliatatâdluni AngajukKângulidluni ammalu AngajukKânguKataudluni Nunasi kuaparesangani Iqalunni. NGC nakummejanga akuni ilauKataulaummat katimajinut kampanikkuni aifani jâriusimalittuni. PitsiaKujavut Clint nutâmi suliatangani.



MISITJIK ANGAJUK KÂMIT ANGAJUK KAUNINILLU

2019 sakKititsilaukKuk pitsiasimajunik Nunatsiavut Group of Companies-kuni, unuttut pisimatillugit Vale nunaup iluani ujugannianitsangit siammatillugit. NGC isumagisimalauttangit unuttuni jâriusimalittuni ikajuttitâgiamik silatsualimâmi ilonnanginnulu kompaniujunut sanagiamik, ujugannianimmik pivalliamut, ujugannianet kompaniujunik sollu Torngait Services Limited ammalu Timmiak Construction Limited ilautsiatillugit Vale ujuganniavingani. Tamakkua kenaujaliuvet

pitaKattisisimavut Nunatsiavut Ikajuttaugutilinginnik pivitsatâttdlugit suliansanik. Nuluak Oganniatuligijingit unuttunik aittuisimavut 2019-mi, kajusimainnavugut nunalinni sanagiamik, suliaKaKatiKadluttalu nutânik ikajuttitinnik imappimi ingigautinik ammalu aulatsigiamik InigijauKattajumik.

Upalungalaugivugut 2019-mi. kenaujaliugutivut sepani jâriusimalittuni Universal Kulimigot sakKilaummata ujugannianik nukKakasâlittillugu. Taitsumanitsainak, Universal suliaKappâlauttuk tigumiagamut kenaujaliulluni ilauKataunimmik angijummagimmik sâlaKagasuadlutik Kulimigot atuttaunitsanginnut kenaujaliugutigillugit, kenaujaliuKataullutik aulatsigiamut British Columbianni ammalu United Statesimi. kenaujaliugutivut Universallikutigut kenaujanik sakKesimangitut nigugilauttatit. Akuni uKâlaKatigekKâdlutik 2019-mi petsigumalilauttut LICST kenaujaliugutilinginnik Universal Kulimigonik.

Kujanâtuinnangimagillugu upalunganniusimajuk, takunnavugut pivallianiumik pannaigutittini kamagamut piguttisigiamut aulajattinik atulluta adjigengitunik kenaujaliugutinnik. kenaujaliugiamik piunitsamik kamagiluallugit sakKivalliajut pivitsaujut. kamagijavut Vale-mi ikajuttigennivut nukKangattitaulagaluattillugu nunaup iluani ujugannianitsak 2017-mi Vale Kimigguniammat pivitsaminik katavalli-agaluattillugit kenaujaliugiamut akingit. kampanigijavut ikajuttingillu atuinnaulauttut ujugannianitsak siammatitappat pigiasigiallagiamut 2018-mi.

2019 nâjimmat, tusaKattanianidluta pitjutautilugu COVID-19 Kanimmasik Chinami ammalu Kanuttotillugit siamagajanninga asinut nunatsualimâmi. kenaujaliuvigiKattajavut ilauKataummata atautsimi iniujumi angijumik attutauniKagajattuk. Taimaimmat, asitsaKagajagaluattillugu ottugiamut suliaKallutik Vale nunaup iluani ujugannianimmik 2020-mi, kamatsiagiaKavugut attutauniugajattuk pitjutiutillugu COVID-19 Kanimmasik kenaujaliuviujuni ilonnaini katingajiujunilu. Taimâtsainak, atuniakKugut tugâgutittinik sakKititsigiamut kenaujatsanik Nunatsiavummi ammalu suliaKattisilluta Nunatsiavut Ikajuttaugutilinginnik.

NGC kamainnaniattuk Inunnut aulataukKulugu kenaujaliugiamut sivulittiulutik taggâni. Sitamait ilauKataujut akuniunitsak sivukkatattiusimalittut Ikajuttaugutilet. Kinijasmavugut suliaKattisidluttalu Ikajuttaugutilinginnik akuniunitsak aulatsisimalittunik ikajutsidluttalu suliasimini. Angijummagimmik pivalliasimavugut ilingajunik Inuit sivulittiunitsanginnut. Tâvatuak Kaujimavugut suli suliaKagiallagiaKajugut. 2020-mi, kamalualâkKugut piggasualluta Nunatsiavut inosuttunginnik.

UKautilâttavut inosuttuit pivitsagijanginnik sakKijâttunik kampanigijanginni. PiggagasuakKulâttavut puttunitsani ilinniaKullugit. KaujimakKujavut kampanigijavut ikajutsiKattaniganik piggasuaninginni ilinniatillugit ilitagijaugutingitigut

ilinnianinginni. PiggagasuakKulâttavut kingulliuKullugit kinguvât Inuit kenaujaliugutini sivukkatattiuKullugit.

Piggagasuattisinittini ununnisait Inuit inosuttuit pikKulâttavut ilinniaKullugit suliatsa-gigumajanginnik, suliaKappâlâkKugut piusiumikKulugit ilisimagialingit inuit suliaKag-ettuit. TSI tiguisimajut uKumaittuniutiligijiugiamut ilinniajunik ilinniatillugit suliaKat-tet Vale ujuganniavingani ilinniasonguniammata nutânik ilisimajaugialinnik ammalu piusiumitillugit suliatsani pivitsagijangit. NCI ulinnaissimammijut ilisimajaugialinnik suliaKapvini ammalu ilinniatitsiniattut suliaKattet piusiuminiammata ilisimagialingit ammalu suliatsatâgiallasonguniammata ajigengitunik. Pitsatunittâsivalliavugut kampanigijattinik ammalu tamânitsainak, pivalliadlugit atuttaugialet Nunatsiavummi.

2019 sivullipaulaujvuk jâriudluni taliimani jârini kântraktiKattitaulutik aulatsigiamut Torngat KakKasuanginni InigijauKattajumik. Air Borealis ammalu NGC Suliatsangit Inc., ikajuttigek aulatsigiamik silatsuami piunippaujumik inigijauKattajumik. Tataminattunik pannaisimajut ilingajunik 2020-mut sivunitsanginnulu.

Nallingillonet suliagijavut pigunnagajangitut tamânengipata 500 ununnisa-illu suliaKattivut, agvakasângit Ikajuttaugutilet. Nakugijavut ilisimausiminik Kanuttonimminillu tamaungaujiKattamata suliaKapviminut Kaut tamât. NGC ilonnainik suliaKattinik angiggasiakKujikattajuk ilaminut nagligijaminullu suliatsaminik pijagemmata. Angijummagimmik pigasuaKattavugut puttunippaujunik pilukattaili-giamut ilinniaKullugit ikajutsilugillu. Pisittungilagut uKagiamik 2019-mi, asiujilaungi-lagut pivitsaujunik suliaKapvimi ânnisimanik pitjutigillugu.

NGC pitsatusigiallasimajuk pivallianimmini kenaujaliugiamut 2011-mi. kamaluagu-mavugut sakKititsigiamik sulijunik piusigumajattinik. Tamanna pigunnatitsijuk uvat-tinik utittisigiamut kenaujaliujattinik Nunatsiavut kavamanganut. PitaKattisiKattajuk sulijumik suliatsanik Nunatsiavut Ikajuttaugutilinginnut. kenaujaliugiamut pivitsaKat-tisimmijuk NGC-kunik utittisigiamut nunagijattinut. TakuniakKutit katutjiKatiget Inuit Suliagigialinginni tamâni Kaujitsiutimmi aittutuisimajugut akitutigijunik \$300,000-tut kajusijumik ilingajunillu ikajutsinimmut Nunatsiavut nunalinginnik katutjiKatige-nillu 2019-mi. PisittotiKangilagut tamatsuminga kajusimainnaniattugullu suliaKaKati-Kagiamik nunalittinik ammalu katutjiKatigenik 2020-mi.

NGC aivallianinganut 2020-mut, pannaigutuliuvugut pailaniattumik katutjiKatigenni-tinik ilingajumik senanut jârinut. Pigiallatâgumavugut sakKititsigiamik Inuit sivulittilu-git ammalu kenaujaliugiamut sivulittiKalluta taggâni.

NGC sakKiititaisimajuk kiggatujutsauluni Inuit Pivalliatuligijingita kuaparesanga katut-jiKatigengulluni. Julaingutillugu, IDCA aullalauttut karâllinut Kaujisagiattudlutik Kanuk karâllimiut aulatsiKattamangâta suliatsaminik. Adjinguammi saumianit talippianut, LICST katimatitsijinga Clint Davis; Sheldon Numchuk, Qikiqtaaluk kenaujaliugiamut Piv-alliatitsijingata kuaparesanga; ammalu Chris Webb, AngajukKâk amma CEO NGC-kuni.





Nunatsiavut Sanajingit Inc. (NCI)

2019 sakKititsilaukKuk pitsianimmik ilingajunik kenaujaliugiamut NCI-kuni. kampaniujuk angijuguttisigiasimajuk suliaKattajaminik pijagesimadlutillu novallianimminik suliaKagiamut mikinitsanik suliatanik. Adjigetitsilidluni piusiumitisimajaminik kenaujaliginimmut, NCI-kut kenaujaKalauttut ilingajunik salummasaigiamut inigijauKattasimajumik Sâttujâliuvimmik. Una jârini unuttuni suliaGijaulilauttuk pejaidlutik igiukKagatsanik atuttausimajunillu iningani, pijagettaulauttuk 2019-mi. SuliaKagiasisimajut NGC suliaKatillugu katutjiKatiget Inuit kamagigialinginnik.

NCI-kut ujananik siKalleKattananga aulataulauttuk piluattumik pimmagiudluni 2019-mi. Ammalu pitaKattisidlutik siKallisimajunik ujananik namminik suliaGijamini aulajaminillu, NCI aullaiKattalauttuk namminilinnut kântraktinik, ammalu Nalcorikkunut, ammalu Torngat Illuligijinginnut. Nâjilittilugu 2019, kampaniujuk kenaujaliugiallalaukKuk siKallegutinut suliaKautinut nâmmasiakKulugit pigumajangit ujananik Nainimi 2020-mi.

ANGIGGAUJIT SANAGIATTAUNINGIT

Pingajugilittangani jârimi, NCI pijagelaukKut sanagiajaminik Nunatsiavut kavamanganani atâni kavamaupop Angiggaujunik Sanagiagiamut pijagedlugit. Ilonnatik kisimi maggongitok suliatâk pijagettauniadlutik jârî nâningani. Amiakkok maggok pijagettaulâttoK silakKitualippat pigianningani 2020-mi.

2019-mi, NCI pijagelauttuk illunik sanagiadlutik Nunatsiavut kavamanganani (Kulâni) atâni Illunik Sanagiagiamut Suliatani. NCI kipalungit pijagelaummijut suliataminik namminilinni immigojuni. Illualuk sanajaudluni Hopedalemi (atâni) suliataulauttuk.

KINGULLIULAUTTUMI PÂGINGÂMI: Nunatsiavut SuliaKapvingani ujananik siKallevingani suliaKalaummijut 2019-mi. Ujananik siKalleKattalauttuk ujananniavinginni Nain (adjinguak) ammalu Hopedalemi.



IKAJUTTAUGUTILET SULIATSANGIT AMMALU ILISIMAGIALIMMINIK PIVALLIANIK

NCI takunnausingali Ikaajuttaugutilet sivulittiutillugit, aulatsilutik, suliaKallutillu ilonnaini katutjiKatigeni. Atuttauluagialet tamaunga tikigiamut tugâgutikallutik piunitsanik sakKititsilutik nâmmasiattunillu. 2019-mi, NCI angijummagimmik sivupiasimalaukKuk ilingajumik tâtsumunga tugâgutimmut. Pitsatujuttigut aulajanginni ammalu nâmmasiattunik aulatsijiKadlutik ammalu suliaKattinik nunami, kampaniujuk suliamsanik pijagelaukKuk ikinnisautillugit suliaKattinik 2018-mi. Percentingit Ikaajuttaugutilet suliaKattet taimailingatsainalauttut 61% ammalu Ikaajuttaugutilet akiliusiangit akittugiadlutik percentingitigut NCI akiliutingititut. kenaujalijuangit suliajigamini nâmmasiattunillu iniKattisimavuk NCI pitsatujummagimmik ottugaKatautillugu kenaujatigut nutâmik suliamsanik. NCI kajusimainnaniattuk piggasuagiamik tamatsumani 2020-mi tigussillutik suliaKattisamik suliamsanik aulatsijitsamik.

Pivallianingit ikajutsiningillu suliaKapvinginni Nunatsiavut, NCI pivalliaKattavut ilisimagialinginnik sivuppiagamut suliaKattinik. SuliaKattet angijuguttisigiamavut ilisimausiminik ammalu ilaugunnallitlugit uKumainnisani suliamsanik, suliaKattet ilisimalidlutik atuatsigiamik sananguatausimajunik, pijagedlutik kamagijaugialinnik alakkasâjanik ikajuttaugialinnut, ammalu suliaKaKattadlutik asianguialinnik pigumajaujunik.

NCI-kut ilinniatsigianiattut ilisimagialinginnik âkKitaumajunik ilingajunut ilisimaugialinnut Kimiggudlutik atuttauKattajunik 2019-minut. Kimiggunik sakKititsiniakKuk ulinnausigiamut iliaugialinnik NCI ilisimagialinginnik âkKitausimajunik ammalu atuinnagutisillutik atuttaugatsanik ilinnialugillu ilisimajaugialet.

PILUKATTAILINIK AVATELLU

SuliaKagiak pilukattaililluni avatinilu kamatsiasongulluni tugâgutivut Nunatsiavut Group of Companies-inut.


Pilukattailigialik NCI-kut sivullipautigumajanga. kampaniujuk aulatsiKattaniattuk inositsiagittotitsigiamut pilukattailigiamullu nalunaikkutattâgiallugit suliamsanginni ilonnainut suliaKattimminik sivunganinit 2020. Ilagiallugu, NCI ilauKataunginnatuk asinginnik pilukattailigiamut sakKititaumajunik. 2019-mi, kampaniujuk Inositsiagittotitsigiasuannimut Pilukattailigiamullu SuliaKattinik pijagesimalaukKuk pisogigialimminik Kimiggutsaulilluni suliamsanginnik kampaniujop katagâtailigiamut atugatsanik, sollu katagekkutinik anunik piulimatsiutinik suliaKattet puttujumeppata. Tamanna pigunnatitsijuk NCI ilitagijaugutiKatitsitillugu katagiamut paitsigutinik ammalu atuttaillutik akitujunik upalungautinillu ilingajunik suliaKattet ilitagijaugutinginnik silatingani katutjiKatiget. NCI kamattisiKattavuk suliaKattet idlivinginnik sanaggutiKautinik uKâlautigidlugit ilingajut pilukattailigiamut Kaut tamât suliaKagiasimmata, takutitsigunnatuk pilukattailigiamut tunigutinik suliaKattinut, ammalu ilinniagiaKaniangimata illop iluani pilukattailigiamut ilisimajaugialinnik.

Ilonnaini aulajamini, Nunatsiavut Group of Companies piggasuaniattuk paitsigiamut avatinik. NCI piggasuaniattuk kamagilugit suliaKattet suliajigialigiallu peKattalugit Nunatsiavut nunalinginnit igiukKasiallugillu. 2019-mi aullaujiniamata igiukKagatsanik uKumaittuniutivininnik taggânit satjugiami.

NCI sanalaummijuk ujaganit Kakitsivitsamik nunalinni umialinnut ammalu niKitsataKattajunut Hopedalemi. Ottugattisilâttut sanagumajunik siagugiangulippat sanajutsanik initsanganik Kuattisillutik.



SULIAGIJAUSIMAJUT 2019-MI



NAIN

- Aullaisimajut 20,000 uKumainnilinnik ujaganik
- Pijagesimajut silatinginnik sanagiadlutik sepanik tujummiuvinik ilunginnilu sanagiadlutik sitamani tujummiuvini NLHC-kuni
- Asitâgidlutik itsavini majotnik Mikijunut Umianut atugatsanik
- Makititsidlutik ivittituinnagialimmik illumik Nunatsiavut kavamangani

HOPEDALE

- Aullaisimajut 15,000 uKumainnilinnik ujaganik
- Nunak initsak sitamaulingajunut illunut Torngat Illuligijikkunginnut
- Pijagettausimajut silatingit sanagiattauningit sepait tujummiuvsait NLHC-kuni
- Pijagettaudluni Kakitsivitsak initsalu Inuit Nunalet kavamangani

MAKKOVIK

- Illuit sanagiattauningit (tallimait)
- Makititsisimajut KaujimaKatigegiamut napajumik NL Ilinniavingani

KIPUKKAK

- Pijagesimajut salummasaidlutik igigatsanik inigijauKattasimajumi Sâttujâliuvivinimmi
- Illuit sanagiattaumajut (atautsik)
- Pijagettausimajuk sanajauninga katingaKatigevitsak

RIGOLET

- Pijagettausimajuk sanagiattauninga Kirkina Illuk
- Illuit sanagiattaumajut (senait)



Nunatsiavut Imappiligijingit Inc. (NMI)

Nunatsiavut Imappiligijingit Inc. pitaKattisilaukKut sitjami ikajotitsanik taggâni satjugiami umiattu-Kataujunik niuviatsanillu usijaujunik 2019-mi. Tamanna ilautitsisimavuk aulatsigiamik ingiggaguma-junik tikattitâllugillu, tigusiKattalutillu, usilittuKattalutik, usingijaKattalutillu usijaujunik Itsavingani Goose Bay, tallimani Nunatsiavut nunalinginni, ammalu Natuashishimi.

NMI ammalu ikajuttingit suliaKasimavut unuttunik uKumaittunik jâriutillugu pitsiadlutik ilonnainik usijaugialinnik ammalu atjatugatsanik nâningani usiKattaniup. kamagillugit ilisimajangit 2019-mi, NMI pannaijuk asiangutitsigiamik piusiumititsilutillu piusiumikKulugit sitjami atuttauKattajut 2020-mi.

katitsutaumajut Nunatsiavut kamagigialingit (INL)

katitsutaumajut Nunatsiavut kamagigialingit agvagetitaujut 50-50 namminigijaudlutik Nunatsiavut Imappiligijinginnut ammalu katitsutaudlutik kamagijaugialet. Ikajuttigennik sakKititaulaukKuk 2016-mi pitaKattisigiamik itsavinut ilingajunik ikajutsiutinik Muskrat Falls suliansanginni.

Taimanganit 2018, INL pitaKattisilauttuk kaligait Kangattaigutinginnik ammalu suliaKautinik Edwards Cove-mi ilingajunik Vale-kunut nunaup iluagut ujuganniagiamik angijuguttisigiamik. Suvailfait kaligait Kangattaulelet pijagettaudlutik 2019-mi, unutsigiadlutik sitamanit 2018-minit. UsijauKattalaukKut suliaKautet, ivittituinnagialet illusait, atugatsait, ammalu ingiggautet nunami.

INL ikajutsilaummijuk Vale suliansanginnik kântraktititsidlutik umiamik MV Bluefort pitaKattisigiamut akuniungituk tujummiuvitsanik suliaKatinginnut ujugannianik siammavalliatillugu. Umiak tamânelauttuk Edwards Covemi pigianninganit Jolai tikidlugu nâninga Oktober. INL ikajuttiKallauttuk Igajinik ukutigona Innu Pivallianingita Ikajuttigenginnik niKitsaKattisigiamut igamajunik suliaKattinut.

INL nigijuk kajusimagiamut ikajutsinikkut nunaup iluani ujuganniajunik angijuguttisigasuaninginni 2020-mi.

Una MV umiak Bluefort aullalittuk itsavinit Edwards Cove, Tasiujatsuamit, October 24-mi. Umiak atuttau-lauttuk puttadluni tujummiuvik, inuttaKasongudluni 200 sulialinik suliaKapvingani Vale Ujuganniatinginni. Umiak aktatuttausimajuk sitamani takKini ikajuttigenut Nunatsiavut suliaKatinginnik ammalu Innu allait Pivalliatuligijinginnik Ikajuttigellutik.

KINGULLIULAUTTUMI PÂGINGÂMI: Nunatsiavut Marine Inc Imappiligijingit, kpaluit nunâtsijut atjatotinik tatajunik niKitsanut asinginnilu suliaKautitsanik taggâni satjuami. 2019-mi, NMI pitaKattisilauttut sitjami ikajutsiutinik taggâni ammalu siKingani Labrador inuttatauKattatunik atjatugatsanillu. (Adjiliugisimajuk: Dwayne Canning)



Nuluak Oganniatet

Oganniataugsait kititangit, ilautillugit kingupvait, Greenland natânnavangit (natânnait), ammalu Atlantic natânnavangit, namminigijaujut Labradorimi kenaujatigut Pannaigutingata kenaujakkuvingani, oganniataukattajut ikajuttigenut Nuluak Oganniatinginnut. Tamakkua kititangit pijaukattavut Kanitangani \$2 miliun dâlani kenaujaliugatsanginni katutjiKatigennet 2019-mi.

Taggânni kingupvait kititangit aullaigatsasiuttaukattajut PiKalujak Oganniatinginnut, ikajuttiget sakKisimajut Mertz 1992-mi Labrador imappingani (2004) Inc. (LAB), ammalu Ocean Prawns Canada Limited (OPC). Ikajuttiget, Nuluak Oganniatingit agvanganik 50 percent namminiKatillugit, aviKataukattavut \$30 miliun dâlakasânik katillugit kenaujliu-jangit sakKititaulaummatanit 25 jâriusimalittuni. Kângisimalittuni jâriusimajuni, kingupvait kenaujaKattisimalikKut \$1 miliun dâlakasânik jârimi Nuluak Oganniatinginnik.


Ogait kititangit ilautitsivut 70 metric uKumainnilinnik natânnanik, Atlantic natânnavanik ottugautaukattajut kenaujatigut aullaivini akitsasiudlutik kenaujanillu utittitaugsanik Nuluak Oganniatinginnut. 2019-mi, kititangit pijaugialet aullaigatsasiuttaulaukKut PiKalujak Oganniatinginnut.

Nuluak Oganniatingit ilauKataummijut 1/3 natânnaniagiamut, Atlantic natânnavanik, ogaillu kititanginnik atullutik 1/3 ikajuttigegutinganik Dominion Trading Limited. Natânnait kititan-git (88.7 metric uKumainningit) ammalu Atlantic natânnavangit (44.09 metric uKumain-ningit) pijausimalaukKut 2019-mi. Taimaigaluattilugu, nukKatitaulaummata, 1500 metric uKumainningit ogait pijaulaungilat.

LICST pitaKammijut 81,000-paunninik jârimi putjotivanniagiamik. Tâna oganniagusik aulatauKattavuk Nunatsiavut kavamanganut, ilauttisiKattadlutik immigojunik Nunatsiavut aullaigatsasiuttinginnik oganniaganik. Nuluak Oganniatingit kenaujattâKattangitut ikajut-taugutinik kititanginnik.

Kaujiniagatta Kanimmasimmik (COVID-19) nâningani 2019, Nuluak Oganniatingit ilaung-innavut aullaigatsatigut silatsualimâmi, piluattumik China. China-lialuaKattavut Canadamit natânnait natânnavaillu. kineset aullaivitsangit ammalu pigumaningit attuiniKammagivut akinginnik 2020-mi.

Una MV Umiak Ocean Prawns nunâtsijuk kingupvanik Harbour Gracemi. Nuluak Oganni-atingit agvanganik 50 percent aittutaukattajuk ikajuttigennikut Labrador imappingani (2004) ammalu Ocean Prawns Canada Limited aullaigatsatagiamut kingupvanik pigialimminik.





134752



FOOD





Sivuppianingit Nunatsiavut Oganniagangit

Nuluak Oganniatingit, ilautillugit Nunatsiavut kavamanga ammalu Torngat Oganniutuligijingita kuapanga, sivuppiasimalaukut piusiumititsigiamik Nunatsiavut oganniaganginnik 2019-mi. Pitsiasimalaukut pitâgimik \$100,000-tut 2019-mi ukutigonak Atlantic Oganniatingita kenaujakkuvinganit (DFO) pigiasiutitsaminik Kaujisagiamut matsojanik ammalu siutigunik. Ikajuttiget kenaujatigut sanasimalaukut umiamik 33 foot takinilimik umiak taijaujuk *Torngat I*.

Pigianningani 1990-nit 2006-munut, imangit Nainimi pitaKatsialaukut matsojanik. Ununnisait suvailfanit takinilet 30-nit 45-nut umiat ogannialaukut taikkunani jâriusimajuni. Matsojannianik nukKaniadluni umiat, aktasittausimajut siKingani Labrador Newfoundlandimilu, pigumaluasimalilaummata siKingani matsojanniagiamut kititanginnik.

Tugâgutinga ottugagiamik 2019-mi uKautaulaujuvuk matsojait tamâni takutsauningit. kamagidlugit matsojanniasimajut, kuapaujuk Kaujlauttuk pivianattuit piujummagiuningit ammalu ikajutsigunnatut aullaigatsatagiamik matsojanik.

2019-mi Kaujisaniammata oganniaganik ilingalaukut siutigunniagiamik. Kaujimatsiajut siutiguluviniKanninga imanginni ilonnaini Nunatsiavut nunalinginni. Kaujigumajut uKagunnamangâta âkKitaugajammangât aullaigatsatangiit.

2019-mi Kaujisanniusimajut takutitsigunnavuk maggonik. Sivullia, sanallutik umiamik *Torngat I* nâmmasiamangât matsojanniagutigigianga ammalu, kingullia, matsojannianik ikajutsigajammangât aullaigatsautillugit. Ottuganik oganniaganik kajasimaniattuk 2020-mi. *Torngat I* ogannialâttuk Rigolet/Double Mer nunangani pigianningani aujaup ammalu utiniallutik imanginnut Nain.

SIVUPPIANIK

kingullia pigumajavut magguilingajuk. Sivullia, kuapaujuk piggasuattisiniattuk Kaujisagiamut siKingani Labrador ammalu Newfoundland aullaigatsatatinginnik maungaKullugit taggânut oganniaKataugiattulutik ikajuttigennikut Nunatsiavut laisinsingagut. kingullia, taggâ satjugiammi ikajuttigennik ikajutsivalliniammat Nunatsiavut aullaigatsatatinginnik pitâgiamut nâmmasiatunuk, pisijausonik umianik matsojanniagiamut, iKalunik, siutigunik asinginnilu omajunik avittusimajumi.



Goose Bay kenaujatigut kuaparesanga (GBCC)

Goose Bay kenaujatigut kuaparesanga anginiKavuk 310 nunamik inigijaudluni pivalliagamut nunanganejuk Hamilton River Road, Happy Valley-Goose Baymi. Sivullia I ilonnâgut atuttaujuk 26-acre pivallianimmuk maggonut atuttaudluni, Gear's Gain's IKailisapvinga ammalu Kanuittailigiamut IniuKattajuk Centre.

Kanuilingausinga pijagettaunitsanga pivalliataujuk Sivullia I pivalliasajuk. TakKinginni kingullipaujuni 2019, GBCC uKâlaKatiKatsialauKuk unuttunik ilauKataugajattunik.

GBCC sakKititauluttuk 2012-mi Nunatsiavut Group of Companies-inut pitsiagamut takunnausingita Nunalinni pivalliagamut – nutâk, angijummagik, adjigen-gitunut atuttauKattaluni nunalinni. Nunak kuaparesanga namminiKavuk 100% GBCC-kuni ammalu kamagiasisimalikKuk pivalliagamut. Pannaigutunga Nunalinni ilauttisivuk nallikatâllugit kamagijaugatsanik, pivalliasianiammata angilivallialutik ingigganinga atullugu piguvallianingita nunangani. Atunit nallikatâttaugialet tigu-jauppata atugumajunut, sulisak kingullianut ainialluni. Ilonnasianga pijagettaupat, atugunnallitutik nunangani sakKititaulâttut ataKataulillutik nunalet akKutinginnut.

Pigiasittausimajuk sanajaugiasidluni Labradorimi IKailisapvisak Happy Valley-Goose Baymi. SuliaKapvisak sanajaujuk Nunalet KikKangani, 310-acre angininga initsak ammalu pivalliataujuk namminigijaudluni NGC-kunut. IKailisapvisak namminigijaulâttuk nunalinnut aulataullunilu YMCA-kunut. (Adjiliugisimajuk: YMCA NL)

KINGULLIULAUTTUMI PÂGINGÂMI KULÂNI: Una *Torngat* I sanajausimajuk Kaujisapvisaulluni oganniaganik.

KINGULLIULAUTTUMI PÂGINGÂMI KIKKANI: Kaujisannik oganniaganik Kaujisimajut imangit Nainimi pigunnatitsiniattut ikajutsigiamut aullaigatsatallutik matsojanik.

KINGULLIULAUTTUMI PÂGINGÂMI ATÂNI: Pigiasigiallaniattut matsojannigiamik pivitsaKattisiniammata sulisatKattisillutik nunalinnik Kuatsevimmik.

NGC Adjigengitut Suliangit Inc.

NGC Adjigengitut Suliangit Inc. suliaKaKattavut NGC suliaKapvinginni aulatsigiamut ammalu pisiniagamut ikajutsiutinin pisiniattitunut. 2019 pitsialaukKut jaringani aulatsigiamut.

NGC Adjigengitut Suliangit ammalu Air Borealis pijagelaukKut sivullipanganik jarimi ilingajunik tallimanut jarinut aulatsigiamik InigijauKattajumik Torngat KakKasuanginni SilakKijapvimik. NGC Adjigengitunik Suliangit ammalu Air Borealis sakKititsilaukKut pitsatujummagimmik suliaKaKatigennimik ammalu kamalualutik InigijauKattajumik sakKijanginnaniattilugu aulatsigiamut kamagiluallugit Inuit ilikKusingit ammalu Kaujimausingit. AulatsijiuKattajut angijummagimmik KaujimattisimalikKut Nunatsiavut kavamangani ammalu SilakKijattuligijinginnik Canadami pannaigiamut sivunitsatinni suliaGijaugialinnik InigijauKattajumi.

2019-m, NGC Adjigengitut Suliatsanginni tigujausimalauttut atuttaugumallutik Illusuak igavitsanganik sanaKullugit. Tigulanninga pijagelauktuk naningani ukiatsami, igavimmi atuttaugatsait tamaungataulauttut, igautitsangit akKisuttaudlutik. Nigivitsak angmalattuk ikittunik nigigatsaKallutik allataumajunik pigianningani 2020 ammalu nigiujuat aulatsinginnanianniminik aujaulippat. NGC Adjigengitut Suliatsangit aulatsilammijut Illusuak SuliaKapvimi sananguaganik aullaivingani, aullaiKattaluni nunalinnut sanajaumajunik ammalu takujatsanik.

Jolai 2019-mi, kampaniujuk pigiasilaukKut aulatsigiamik Rigolet utsualuniavinganik, sivullimik kantraktiKasimajuk nukKaniammat. Tanna nunalinnut kamagijauKattajuk ammalu NGC kajasimainnaniattuk aulatsigiamik utsualunniavimmik Rigolet Inuit Nunalet kavamanga Kinajatillugu suliaKainnaniattumik aulatsiluni.

2019-mi, NGC SuliaKattisijingit Inc. ammalu Air Borealis pigiasilauttut tallimanut jarinut ilingajumik aulatsigiamut InigijauKattajumik Torngat KakKasuanginni SilakKijapvimik.





Nunak kuaparesak (Nunak)

Nunak kuaparesanga nunamik tigumiajuk pisiniagatsanillu illunik kampaniullutik pitaKattisigunnadlutik suliaKapvisanik piulimatsivinik Upper Lake Melville, Nain, Hopedale, ammalu Makkovimmi.

2019-mi, Nunak aktasittisililaukKuk initsamik Sandbanks Illumik Nainimi Nunatsiavut kavamangata SuliaKapvisanganik Nunaligijet ammalu Nunami Pivianattuligijet. Inigijaujuk inuKalaugunnaituk SilakKijattuligijet Canadami noniammata suliaKapviminit nutâmut angmatainnatumut Illusuak SuliaKapvimut.

Nunak kuaparesanga attasittisiKattavuk unuttunik inunnik, Nunatsiavut kavamanga attasittilugu agvakasânginnik initsaujunik. Asingit tamâneKataujut prâvinsimi federalliulu kavamâginnit, inuit ammalu namminik kenaujaliuvilet, sollu banki-Kautik, maligatsaligijet, kigutaitsijet, avatiligijet, sanajet, ammalu ilisaviuKattajuk Kaujisapviudlunilu suliaKattinut.

Nunak aulatsiKattagivuk Goose Baymi Illunik aullaitinik (GBCR) namminiKatillugit GBCC. GBCR namminiKavut âktanik illunik magguilingajonni illoni Happy Valley-Goose Baymi. Maggok ammalu pingasunik illugusilek attasittauKattajok Labrador Friendship Centre aktasitillugu ikajutsiutaudlutik ikajugiamut initsaKagialinnik.

Nunak Nunaligijet kuaparesanga Sandbanks-imi Illusamik Nainimi, nutâk angiggasak Nunatsiavut kavamangata Pivalliajunik Nunami ammalu Pivianattuligijingit. Illuk ilangauvuk Nunakkut suliaatsanga aullaigatsauluni illusak.

NUNAK KUAPARESANGATA PIKUTINGIT

NAIN

- Moraha-mi Illuk (*Academy Canada, SuliaKapvinga Maligatsaligijet, SmartIce*)
- Sandbanks-mi Illuk (*NGC suliaKapvinga amma NG SuliaKapvinga Nunaliginimmut Nunamilu Pivianattunik*)
- Service Road (*piulimatsivik attatuttaujuk NCI-kunut*)

MAKKOVIK

- Willow Creek-mi Illuk (*inik attatuttaujuk NG SuliaKattiginnut Inositsiagittotitsigasuanimut Nunalellu kiggatuttauningit, Sikumiut, NGC, BMO ATM atuttuauKattajut*)
- Markland-imi Illuk (*SiKuttitaugialik pejaullunilu ininganit.*)

HOPEDALE

- Ujaganik SuliaKapvik (*attatujut NCI-kut piulimatsigiamut initsamik*)

HAPPY VALLEY-GOOSE BAY

- Royal Street (*NGC suliaKapvilaginga*)
- Corte Real (*attatujut NCI piulimatsigiamut initsamik*)
- 10 Toronto (*SiKuttitaugialik pejaullunilu ininganit*)



Torngait Services Inc. (TSI)

2019 jârilaulkuk piguvallitsidluni Torngait Services Inc., ikajuttigijaujuk NGC-kunut (51%) ammalu ATCO Suliagijangit asingillu (49%). Nunangani pita-Kattisivot Tasiujatsoami Ujaganniavimik 2005-iminit, TSI suliakatingit unutsigiasimalikKut magguatilluanik 71-nanit nâningani September 2018-mi unutsigiadlutik 157 taitsumani 2019-mi. Nâningani 2019, TSI suliakattiKalilaukKuk 180-nik, 90-tet tautsegutiKattadlutik maggok wogek nâgaimmanik.

TSI-kut ikajutsijut ujaganniavimik Tasiujatsoami ammalu ikajutsidluni nunaup iluani ujaganniagumajunik, pigiasisimajut 2018-mi. Piguvalliasimaninga sakKititsisimavuk ilagiattaunitsangit ilaunginnalugatit suliakattisanik, ilauKatautillugit ujanik siKallejet, sanagiattet suliakattat, trakkinik aulatsisot. Ujagannianik angijugut-tisigumasimavuk sakKititsilutik suliatsanik nutânik, ilauKatautillugit suliakattinik aulatsijet, akuniunitsak tamânesimajut aulatsijet, angajukKaunet, inositsiagittuligijet pilukattailigiamullu, suliakautinik ilinnianik ammalu pannainik.

ILAGIAGUTET PIVITSAGIJANGINNUT IKAJUTTAUGUTILET

Ilonnâgut piguvallianingit suliakajut Vale ujaganniavingani sakKititsisimavut unutsigiadlugit suliatsait ilingajut Nunatsiavut Ikajuttaugutilinginnut ujaganniavimmi unutsigiadlutik 44-nit 73-nut, ammalu iluani Nunatsiavut avittusimaningani, 21-nanit 34-ranut.

Nigiujut ilagiattaullâninginnik suliakattat maggoni suliatsâni, tamânegettut suliatsait nunaup iluani ujaganniagiamut. Tamânegettuni suliatsani, ununnisagalât 1 kuatamit TSI suliakatingit suliatsaminit nukKagunnaâlittut tallimauniattunit sepanut jâruniattuni. Iluani nunaup ujaganniavingani, niguijut Vale suliakattitâgumalâttuk akuninut suliakallutik, suliakainnalutik. Atuinaguttiniaguttigik Ikajuttaugutillivut tamakkununga suliatsanut, TSI maggonik ilinniatitsijitsânik tigusisimajuk uKumaittuniutinik 2019-mi. Suliakagialek ujagannianinginni ilinniatillugit pijageppatalu atitâttaulutik TSI suliakatingit ilinniasimaningit adjigengitunik suliakautinik, ilitagijaugunnaulâmmata ilisimaningit tamakkunani suliatsani nunaup iluani ujaganniagiasituappata.

2020-MI NALAUTSÂTAUJUT

Ilagiatsigumammata suliakattinik, nalautsâjut TSI suliakattiKalâninginnik 230-nik Vale ujaganniavingani nâningani Âprel 2020-mi. TSI niguijut unutsigiakKulugit suliakausiminik kântraktnik Tasiujatsoami 2022-mi. Suliakatinginnut ilingajut, niguijut TSI pitsialâninganik pijagellutik tigulagiamik angikatigegutimmik suliakapvinginni suliakattat 2020-mi.

TSI-kut pitsatunigijangit suliakattat. Pigianningani 2020, kampaniujuk tigulâlâKuk nutânik aulatsijitsanik angajukKânik suliakattiKatsiagialek suliakatinginnik Vale. Ilangualluni pigagasuanningit unutsiumikKulugit Kanuttogijangit Nunatsiavut, TSI ilaunginnianikKuk pigagasuakKujilluni Ikajuttaugutilinnik ilinniagiallaKullugit ujaganniavimmi puttusigialâmmata suliatsangit ilisimatsiagutik.

TSI-kut takunnamijut sivunitsatinik ilautsiaKullugit inosuttuit Ikajuttaugutilet pivitsaKattilugit suliatsatâgiamut Tasiujatsoami. 2020-mi, kampaniujuk atut-tauliaKititsilâttuk Valekkut aittuilutillu Ikajuttaugutilinnik pivitsagijanginnik suliatsatâgiamut ujaganniavimmi tamânennginnalutik nainani takKini. Taitsumani, JRTP ottugajuit Kaujilâmmata unuttunik suliagijaugialinnik TSI-kut kamagiKattajanginnik Tasiujatsoami. TSI tugâgutunga taikkua immigojut ilaukKulugit puttunitsani ilinniavini ammalu utiniallutik suliakagiatlutik Tasiujatsoami ujaganniavinganut. TSI aittuiKattamijut ilitagijaugutininik pigagasuakKulugit inosuttuit ilinniaKullugit puttunitsani ilinniavini.

Vale suliatsangit uimatitsivut TSI suliagigialinginnik. Piguvallianiappata sakKititsilutillu pivitsagiallanik Ikajuttaugutilinginnut ammalu kenaujatsanginnik Nunatsiavut, TSI kajusimajuk Kaujisagiamik kenaujaliugiamut pivitsaugiallajunik silatingani Tasiujatsoap ujaganniavingata.

2020 nalunaigutauniakKuk 25 jârini kenaujaliugutiKasimalinninginnik TSI. Pimmagiuavuk tamanna pitsiasimanik kampaniujumi ammalu taitsumani jârini, TSI sugalatitsilâttuk ullusiuttisilluni pimmagiuujumik pigiasinniusimajumik.

KINGULLIA PÂGINÂK: Torngait Services Inc. nunalinni ikajuKattavuk Tasiujatsoami 2005-iminit. Nâningani 2019, TSI suliakattisilauttuk 180 inunnik ujaganniavimmi. (ADJILUIGISIMAJUK: ATCO)

NUNANGANI ATUTTAUKATTAJUT TASIUJATSOAMI


- AkKutet sanagiattaugiaKaningit, piusiumitill-ugit, aputaijaillutik, pujuganillu kamallutik
- UsilittuKattalugit usingijallugillu tingijot umiallu
- Ujaganniagait utsualuillu atjatuttauningit
- Usijaujut kamagijaugiaKaningit
- Aulatsigiak imanik ammalu kokvinik
- AullatiKattalugit suliaKattet
- Ilonnâgut suligijaugialet



TSI SULIATSANGIT TASIUJATSOAMI (NUNANGANI SULIAGIJAUGIALET)



September 2018 71



September 2019 157



December 2019 180



April 2020

232
(nigiugijaujut)

Timmiak Sanajet Limited

Timmiak Sanajet Limited ikajuttiget kampanimut namminigijaudluni 51% NGC-kunut ammalu 49% Bird SuliaKattinginnut Ltd. Timmiak (ammalu aippanga Nillick Sanajet Limited) ilauKatausimalittok Vale nunaup iluani ujuganniatillugit unutsivalliadlutillu suliatangit pigiasisimajut 2018-mi. Sivungani 2018, Nillick unuttuni tigumialauttuk kântraktinik Vale-kuni ilangautillugit kajusimainnaniattut suliatasit Tasiujatsoami.

2019-mi, Timmiak suliaKalauttuk pingasunik kântraktinik Vale ujuganniavingani, kântraktiKagialladlutik ilisigiamik sitijumik akKutimmik, suliatamik, avaluliullugulu atuttaugatsautillugu tallimanut Kangattaigutitut. Maggok Kangattaigutek Silamit, KaluKattaniattuk anittigigatsamik ujuganniaviup iluanut, ammalu maggok aippâgik, Anittigigatsait, aniuKatauKattaniammata ujuganniaviup iluanit. Tallimanga akKutitsauniattuk tuavittuKagiaKalippat anigialinnik nunaup iluani sulialinnut ujuganniatitut.

Timmiak suliaKaKatiKalauttuk silatimiutamik kântraktilimmik aulatsigiamut Kuattisigiamik akKutitsamik. Pingajua kântraktik kamaluanniulauttuk pijagettaunitsanga inigijaujuk pigiasittausimajuk 2018-mi. Tainna kântraktik Kaningiligiattausimalauttuk 2019-mottaudluni ilauttisigiamut aktasianik 25-illu-asianik sanautinik Vale-kkuni sanajinik aulatsijinillu. SuliaKautingit ukua trakket, atjatotet trakket, uKumaittuniutet, aggautet, ammalu illusait.

SULIALET KITITANGIT

Timmiak sivulittiusimalittuk maliKataulluni tigulagiamut maligatsanik âkKitausimajut Vale-kunut atâni Attutaunimmut Ikajuttaugutet AngiKatigegutingani, sivulliuti-jauullutik suliatasit aittotaullutik ilisimatsiajunut Inunnut ammalu Innu-nnut, asingillu Labradorimi nunaKakKâsimajut, ammalu Labradorimiut, nunalet Labradorimi, ilaummitillugit suliaKattet Newfoundlandimit.

Aulatsininginni 2019-mi, kampaniujuk suliaKattisilauttuk 60-nik inunnik, 60%-tingit nunaKakKâsimajotillugit ammalu Labradorimiut.

Timmiak nigijujuk ilagiattaulânningit suliatagiallanik Vale ujuganniavingani 2020-mi. Timmiakut suliangit ilitagijausimajut atutsianinginnut ammalu angijuguttsivaliajuk kampaniup pisogigialinginnik.



Timmiak Sanajingit Limited suliaKattingit sanalaukut atugatsamik Vale ujuganniavingani nunaup iluani. Sanajaumajut aittitsiniakKut akKutitsaulutik silamit silanga aigunnaniammata Kalujaullutik silak Kalotimmut. Tallimanga akKutiuniakKuk tuavillutik anigiaKappata nunaup iluanit ujuganniatet. Adjinguak: Timmiak Sanajingit Limited.



Universal Kulimigot

Universal Kulimigot, 40% namminigijaujut Nunatsiavut Group of Companies-ikunut (Labrador Inuit Pannaigutingata kenaujakkuvinganut), 40% Nunatsiavut Tasiujatsoak kenaujakkuvunga, ammalu 20% CAPE kenaujakkuvunga, ammalu uKumaitsalauttut aulatsigiamut 2019-mi. kampaniujuk angijummagimmik ilagiaKalauttuk 2018-mi pisdlutik Lakelse Air British Columbiomit ammalu 49% kenaujaliudlutik SiKingani Satjugiangani Kulimigolet Fullerton, California-mi. Taimaigaluattillugu, sulii âkKivalliajut ujuganniavimi ammalu ikilliumisimalittut ikual-anik Kamitsigasugiamut British Columbiامي ammalu kitâni United States, uKumailutaulauttut kampaniujumut 2019-mi.

Universal Kulimigot kajasimavut ikajugiamik ikajuttaugialinnik, ilauKatautillugu kavamanga Newfoundland Labradoriullu ammalu Polar Continental Imanni Suliatsangit, ikajutsiKattajut ilinniagiamut ammalu kavamait Kaujisagiamut Canadaup Ukiuttatungani. Canadami anginippaujut NunaKakKâsimajuit nammin-ingit Kulimigot ikajuKattajut kampaniujut, Universal pisittulaungituk ilauKataugiamik NunaKakKâsimajuit namminigijaujunut Capital Kulimigonut Yukon-imi aktasiangudlutik maggok Kulimigok. Universal pitsiadluni pijagelaummijuk siag-gijausijattinik atjatudluni British Columbiامي ammalu ikajutsidluni utsualunik kiasaleninillu Kaujisajunik Oklahomami, Mississippi, Pensylvania-mi, ammalu Louisiana-mi.

Kujanâtuinnalunnagit uKumaittut kenaujaliugasugiamut Kulimigonik atullutik, Universal Kulimigot kajasimainnaniattut kenaujaliugiamik pivianattunik tigumiamut suliaKattinik ammalu ikajuttaugialinnik pilukattailitillugit, ammalu paigillugit tingikatagiamut akitujut piKutingit. kampaniujuk aulatsilauKuk pilukattailigiamut tigumiagatsanik 2019-mi, kiggatuKattamata Ukiuttatumiunik ammalu ilonnâni Canadami, allât Alaska-mi ammalu asinginnik United States-imiunik.

Mai 26, 2020-mi, Universal Kulimigot nukKalauKut suliaminik. kampaniujuk uKalauttuk piujolaungimat kenaujaliunninga 2019-mi ammalu attutauniKadlutik Kanimmasimmut COVID-19 siammamat.

Air Borealis

Air Borealis LP pitsiasimalaukKuk 2019-mi, kingullia ilonnâgut jârimi aulatausi-madlutik sakKititaumajuk ikajuttigennikut 2017-mi ukununga Nunatsiavut Group of Companies, Innu Development Ikajuttigeningit Limited, ammlu PAL Tingijongit. Atunit ikajuttiget ilaugutiKavut 1/3 kenaujaliujanginnik kampanimi ammalu itsivau-taKattitadlutik maggok angajukKauKatigegik.

Air Borealis kajusisimajuk kiggatugiamik taggâni satjugiami Kaut tamât inuttaKat-tadlutik usigatsanillu 2019-mi. Ilallugit Kaut tamât suligijauKattajut, tingijot kântraktitauKattavut Canadami Allalitsijuligijinut avittusimajunut ammalu Labrador-Grenfell Ânniasiuvinginnut tuaviutijaugialinnik atjatuKattadlutik ammalu tingigiaKalimmata piusigigialinginnik satjugiami nunalinni kamagiamut ânniasiu-ta-gialet takujaugiaKalimmata.

VALE KÂNTRAKTINGIT

2019-mi, Air Borealis nutângutitsilaukKuk kântraktiminik Vale-kuni ilagiadlugu maggonik agvamillu jârennik. Tingijok atjatuKattavuk suliaKattinik usijaugi-alinnilu tappaungautidlugit utiutidlugillu ujuganniavimmut Tasiujatsoamut. Nutângutitauniammat kântraktinga, suligigialingit unutsigiasimalikKut pingasunit tallimanut ullunut wogimi. Nunaup iluani ujugannianik angijuguvalliatillugu, Air Borealis ununnisanik tingiKattalittut atjasilualidlutillu inunnik usijaugialinnilu ujuganniavimmut sivunganitongituk.

OTTER CREEK SULIAKAUTINGIT

Otter Creek Kanitâni Goose Bay tingijoKapviujuk atjatuKattadlutik niuggu-junik Labradorimut iKalunniavet silakKijavinginnut. Air Borealis aulatsiKattavuk Maggulinik tingijonik puttagutilinnik tingijoKapvingani silakKijavet angmaligaim-mata, pigiasiKattajut Joni 1-mit Oktober 1-namut. 2019-mi, tingijot pitsiasimalauk-Kut kenaujaliugiamut Otter Creek TingijoKapvingani adjuugalalittilugit piusingitut ammalu idluggijattisiadlugit sungiusimajuit avittusimajuni iKalunniagamut silakKi-javinni illunginnut.

TUAVIUTIJAUGIALET IKAJUTTAUGUTINGIT

May 1, 2019-mi, Air Borealis sakKititsilaukKut kamagialimmik tuaviutijaugialinnik tingijomik kiggatugiamut tingijot atugialinginnik Labrador Grenfell-Ânniasiuvingita. Tâna sakKititaumajuk piusiumititsisimmagittuk tuaviutijaugialinnik tingi-jokkut atjatullugit satjugiami nunalinnik. Sivungagut tâtsuma, atautsik tingijok atjatuKattalaukKuk ânniasiuviligialinnik ammalu takujaugialinnik ânniasiu-tinut. Tuaviutijaugialet sivullipautijaunginnaluttut ammalu KuvianaKattalaungituk tingijok tamatsumunga pititsitillugu upalungannik ammalu nâmmagijaungituk satjugiamik inunginnut ânniasiu-tinut takujaugialinnut. Tuaviutijaugialinnik atjatutti tingijok atuinnaunginnatuk 24 sitondini ullumi, sepani wogini, 365 ulluni jârimi.


INIGIJAUKATTAJUK AUJAMI

2019-mi, Air Borealis ammalu NGC Suliatsangit Inc. suliaKaKatigelauttok sivul-lipângani jârimi ilingajunit tallimanut jârinut kântraktingani aulatsigiamut Torngat KakKasuanginni InigijauKattajumik. Kuja-nâtuinnalunnagu naittolauttuk sitamani wogini ammalu silak piujoKattatinagu attuiniKaKattalauttuk tingijonik, pitsialauttuk taitsumani. InigijauKattajuk suliaKattisilauttuk Nunatsiavut Ikajuttaugutilinginnik adjigengitunik suliatanik, ilautillugit nanuKalimmangât kamajet, igajet, salum-masaijet, ammalu ikajuttet tikisimajunik. Tallimanut jârinut ilingajuk kântraktinga Nunatsiavut kavamangani ammalu SilakKijattuligijet Canadami pigunnatitsilauttuk Air Borealis ammalu NGC akuninut ilingajumik pannaigiamut, ilautillugit atut-tauliaKinninganut jâri nâllugu Kinugautik ilaugumanimmut piusiuKattajuk.


InigijauKattajuk kajusimajuk silatsualimâmi unikkausiliuttinut sulijugijaugia-mik. Aullasimalluni Kaujigatsait, Kagitaujatigut Kaujisapviusok aullakatagiamut, mâniaKamik sakKijâtitsisimajut Torngat KakKasuanginni SilakKijapvimik ilan-gaulluni nunatsualimâmi puttunippauKataujuk nainanganelluni inijuk nanunik Kimigguviusongudluni. Tâna Kagitaujani takugatsak takujauKattavuk 1.6 mili-uninut Kimiggujunut takKi tamât ammalu ununnisat 20 miliuninut Kagitaujakkut ilauKattavut jârimi.

Air Borealis Tingijot Maggolet migvingani Goose Baymi, atuinnaulittut adjatugiamik inunnik, niKinik, ammalu atjatugatsanik taggânut satjugiamut. Tingijot tâkkuatuanguvut atuttav-Kattajut taggânut satjugiami nunalinnut taimanganit imappikut nukKagaimmata Decem-berami ammalu pigiasiniammidlutik KikKangani Joni. (Adjiliugisimajuk: Philip Earle)





Nainait Maggolet Tingijot
Tingisimavut ununnisanik 10,000 sitondinik 2019-mi



Atjatudlutik
26,000 inunnik


2019 AIR BOREALIS AULAJANGIT



Atjatudlutik
4.25 miliun paunninik
atjatuttaugialinnik



Tingisimavut ununnisanik 150-nit
tuaviutijaugialinnik tingiutjidlutik



140 suliaKattingit

Ukiuttatumi Inuit Suliatsangit (PAIL)

Ukiuttatumi Inuit Suliatsangit (PAIL) ikajuttigegutik 100% namminigijaudluni Inunnut kenaujaliugutik kuaparesanut sitamani Inuit nunamik satusasimajanginni avittusimajuni Canadami. 2019-mi, PAIL nammiKanimmuk ilutsinga âkKigiattausimalauttur sepanit ilauKataujunit adjigengituni tigumiattaujuni, sâksinguttidlugit ilauKataujut, adjigettumik tigumiaKatigelittilugit. Tamanna âkKigiattausimalimmat, NGC namminiKaninga ilauKataugiamut asiangusimajuk 18%-timit 16.66%-timut.

IlaKatauninga ATCO ilutsingani Sunatuinnanillu Limited, PAIL ilauKatauvuk Nasittuq kuaparesanganut. Nasittuq pitaKattisiKattavuk iniujumi ikajutsiutininik, suliatsait aulatsijinginnik, ammalu aulatsivillagimmi ikajutsiutininik Canadami unatattuligijinginnik CFS Alert, CFS Alert unatattuligijet ininga iniKadluni Nunavut taggâni Ellesmere Island, KaninginiKadluni 817 km Taggâni Nuvuanut. Kaninnipâk nunalet ininga Grise Fiord, 725 km siKingani.

PAIL piggasuaniattut pigiasigumajut pivallialugillu kenaujaliugiamut pivitsaujut piumititsiniagutta kenaujaliugiamut namminik nâmmagijanginnik Inuit nunagijangitalu. Ilanga PAIL angijummagik tugâgutinga CFS Alert piggasuakKujilluni ilinniaKullugit tigula-jaullutillu suliatsatâttilugit Inuit.

PAIL ikajuttingit uKâlautiKasimalittut nutânik kenaujaliugiamut pivitsanik siammatitaullutik ilonnâni taggâni, ilauKatautillugit avatini atuttausot pautaujait ikumautigillugit atuttaugunnaitillugit utsualuit onautigijangit. Asingit pivitsaujut sakKitisimajangit federal kavamangata sakKititsigiamut sukkajumik ingiggasongulit-tilugit Kagitaujait ilonnaini Canadamiuni 2030-tiulippat ammalu piunitsanik kenaujaliugutikalillutik sakKititaulluni angmatauppat Canadaup Taggâni AkKutik atuttausongulilluni umiatsuanut



Canadami Unatattuligijet makititsilauttut suliaKautinik Canadami Taggiumajunniutininik Alert, Nunavummi SuliaKaniammata BOXTOP September 28, 2016-mi. Adjiliugisimajuk: Cpl. Ryan Moulton, 8 Wing SuliaKapvingani, Pan Arctic Inuit SuliaKapvingani, NGC-kut namminiKaKataullutik ikajuttigeningit ATCO SuliaKattangit Limited nunangani ikajullutik CFS Taggiumajunniutinginni. @ Ilonnatik PiviKattitaujut. (Atingagut kavamait Nunaligijinginni paitsigiamut suliatsait) sakKititaugiallaKattajuk pigunnatitsitillugit unatattuligijet DND/CAF (2020).

NGC SAKITITSISIMAJUK SILATSUALIMÂMI INUIT KENAUJALIUGIAMUT KATINGAJINGINNIK

Ukua Nunatsiavut Group of Companies sakKititsisimavut silatsualimâmi katutjiKatigenik tugâgutingit piousumititsigumajut kenaujaliugutininik Inuit avittusimajunginni Canadami. Inuit Pivalliamut kuaparesangita katutjiKatigenga (IDCA) âkKitaumavuk sâksiudlutik pivalliajuut kuaparesait Nunatsiavummi ammalu ilonnâni Ukiuttatumi.

kenaujaliugiamut Kanuttojut Ukiuttatumi unutsivalliajut sivukkatattingit kamalu-alimmata nutânik sakKivalliajunik pivitsaujunik ilingajunik avittusimajut pivianat-tunginnut ammalu pannaigutingita ininginni. Pigiasigumajut unuttuni jârini Kaijuni, federal kavamanga atuttauliaKititsiniattuk maligatsanik ammalu pannaigutet kenau-jaliuvinginnik avittusimajuni. Akunnimini, ilauKataujut IDCA-kunut aulatsiKattavut \$500 miliun dâlatut kenaujaliugutininik atunit jârini. Sivukkatattingit kamatsiaguma-jut nipingit Inuit atuttausiaKullugit sivunitsatinni federal maligatsanginni uKâlauti-giamut ammalu Inuit kenaujaliugutingit atuinnaulutik sivunitsatinni pivitsaujuni Inuit angigganginni (Inuit Nunangat)..

NUTÂK TUKINGA TAGGÂNI IKAJUTTIGENNIMUT

IDCA katimatitsijinga Patrick Gruben allasimavuk Kanuittomangâta ikajuttigennimut Inuit pivalliaigutingita kuaparesangita pigumajangit. UKasimajuk Inuit nipiKangi-togumagunnaitut ikajuttigennikut Ottawa-mi, ammalu inuit ilisimadlutik, kenaujali-ugiamut suliatani, ilisimatsiajut sivulittiugiamik aulatsilutillu suliatanik suliajjau-Katatunik Ukiuttatumi.

ILINNIASIMAJUT KARÂLLIMIUNIT INUNNIT

September 2019-mi, IDCA-kut katimagiattulaukKut karâllinut ilinniagiattudlutik Kanuk karâllimiut Inuit aulatsiKattamangâta namminik kenaujaliugutinginnik. katimanitsak aulataulauttuk Danish Consulate kamajinginnut Canadami ilauKatau-tillugit LICST katimatitsijinga Clint Davis ammalu NGC AngajukKânga ammalu AngajukKaunik Chris Webb. Unuttuni ulluni, katimaKatiKaKattalauttuk kiggatut-tinik ogannianimmuk, tingijoligijinik, asinginnilu ilauKattajunik suliatani karâllimiut kenaujaliugutilinginni.

TUGÂGUTINGIT IDCA

SakKititsisimajut katimaniammata November 2018-mi, IDCA pingasunik tugâgutitsaliulauttuk:

- Ulinnaisigiamut silatsualimâmi pitjutaunuk maligatsanut piousigialinnulu attuini-uKattajut ilauKataujunik Inuit Pivalliajuut kuaparesanginnut
- Kaujimattilugu aulatjaiKullugu federal kavamanga maligatsanik suliatanillu (sollu sakKititsigiamut) ikajuttigenikkut asingillu Inuit katutjiKatiget
- IkajutsiKullugit kenaujaliugiamut pivitsaujunik ilingajunik Inuit Pivalliajuut kuapa-resnginni kiggatuttinik

Pigianningani 2020, IDCA kiggatuttingit katiKatigelâttut uKâlautiKallutik sivunitsa-tinni pannaigutimik. katingajet uKagunnaâttut sunait katutjiKatigennet suliatagim-mangâgit takunnausingillu Kanuk atutsiajumik ilauKatigegajamangâmmik federal maligatsanginnik sanajinut.

TAKUGATSAIT – kiggatujut IDCA-kuni

Nunatsiavut Group of Companies
Inuvialuit Pivallianimmuk kuaparesanga
Makivik kuaparesanga
Kitikmeot kuaparesanga
Saku Investments kuaparesanga
Qikiqtaaluk kuaparesanga

KAMPANIUJOP INUIT KAMAGIGIALINGIT

Ukua Nunatsiavut Group of Companies kamagiaKavut pitsiamangâta pimma-
giujuit inuit kamagijaugiaKaningit iluani kampaniujop ammalu Nunatsiavut
Ikajuttaugutilingit. Tamakkua kamagijaugialet uKautaujut NGC kampaniujop Inuit
kamagijaugiaKaningita (CSR) suliatanginni.

2019-mi, NGC timingutisimajangillu kampaniujuit tunitjilaugivut ununnisanik
\$300,000-tut kenaujatuinnautillugit ammalu utittitaugiaKangitut aittosiat
Nunatsiavut Ikajuttaugutilinginnut, katingajinut, ammalu nunalinnut pisimatillugit
CRS suliatanginnit. NGC kenaujaliulaummijuk pivianattunit piusiumitiKullugit
inositsiagittogasuannik ammalu pilukattailiKullugit suliaKattingit, piusiumiKullugu
paigijaunitsangit avatinginni, atuttaulutik Inuit ilikKusingit, atullutillu takunnausunik
ammalu akunitanik piusiusimajunik ilonnaini aulajanginni.

AULATSINIK ATTUTAUGESONIK AVATINIK

NCI:

- Pijagelauttut salummmasaidlutik inigijausimajumik saninillu Sâttujâliuvivinimmi
- Peaigumadlutik igiukKasiallugillu ilonnatik suliaKautivinet pisimajut siagunitani
nunani ammalu ullumi aulatsiusiulittuni Nunatsiavut nunalinginni

PAITSIUTET INOSITSIAGITTOGASUANNIMUT PILUKATTAILINIMMULU

NCI:

- Pijagelauttut ilinniatsinimminik, ilauKatautillugu suliaKalluni pilukattailigiak,
ilautillugit suliaKapvimi malittaugialet, ammalu kamagillugit atullugillu malittaug-
ialet maligatsani
- Tigusidlutik inositsiagittogiamut pilukattailigiamullu kamajitsamik
- Pitâdlutik ilitagijaugutimik Kimiggusongugiatsanga NCI-kut pilukattailigiamut
suliaKautinik

- Tigumiadlutik suliaKapvimi ilitagijaugutimik COR ilingajunik inositsiagittogiamut
pilukattailigiamullu

TSI:

- Tigusidlutik maggonik suliaKainnaniattonik pilukattailigiamut uKautjigijajen-
nik Tasiujatsoami ikajugiamut TSI aulatsijinginnik ammalu TSI ilauKatauninga
Tasiujatsoami ujaanniaviani

NGC:

- Nutângutigiadlugit SuliaKattet maligatsangit ilingajut uivisâlukattaunimmut,
ejalukanut ammalu imialunik atuKattanik, avatellu paigijaunitsangit
- Kangattagsaliudluta tamakkuninga maligatsanik takugatsautillugillu suliaKapvini
ilonnaini namminigijajunni NGC-kunut
- ÂkKisuidluta pannaigutimik suliaKaKatiKagiamut katutjiKatigenik piusiumikKulu-
git suliaKattet isumatigut inositsiagittoKullugit

IKAJUTSINIK SULIATSANIK

TSI:

- Ikajutsidlugit ilinniagiamut pivitsaujut piusiumikKulugit suliatangit
Ikajuttaugutilet Vale-kkuni
- ÂkKisuidluta Suliatsait Atuinnauninginnut Ilinniagatsanik atuttaugatsanik
Ikajuttaugutilinnut suliatatâgajappata Vale-kkuni

NGC:

- Kimiggudlugit Ikajuttaugutilet suliatangit adjigetitauningit
- SuliaKadluta sakKititsigiamik Kaujimajaugialinnik NGC-kut takujauKattaniam-
mata Ikajuttaugutilinnut suliatasiupviugajanningit
- Kajusimadluta piusiumitigiangit tigulagiamut ilisimatsiajunik Ikajuttaugutilinnik
angajukKaunitsautillugit ammalu aulatsijugiamut suliatanik

IKAJUTSINIK NUNALINNI KENAUJALIUVINIK KENAUJALIUTSIALUTIK AULATSIGUSINIK

NCI:

- Aittuidluta angijunik utsualuit ponginnik KipukKami inuit Nunalet kavamanganut

TSI:

- kenaujaKattidlugu kingulliani Gussie Bennett Pattamut hâkinguaKattajut Pilluangunikisautidlutik (Nain)
- SakKititsidluta \$1,000-tut ilitagijaugutimik puttunitsani ilinniajunut (atautsik atunit Nunatsiavut nunalinginni ammalu atautsik Upper Lake Melville-mi nunalinnut)

NGC:

- Pigiasidluta aulataunitsanga Rigolet utsualunniavinga, kamagidlugulu insuarin-sitsanga sunaillu pigigialingit atuinaguttigiamut nottitauninga namminilimmut aulataunialinninga
- SakKititsidluta \$1,250-tut ilitagijaugutimik ikajutsigiangit Ikajuttaugutilet ilaunit-sanginnut puttunitsanut illinniavinut ammalu ilisimatsiagiamut pivalliansangit ilinnialutik
- Aittuidluta imappimiutanik niKinik Upper Lake Meillville niKiKautinga-nut – 20/5kg idlivinik kingupvait Max Winters Iitagijaugutinganut Nunalet Kuateveingani

Air Borealis:

- Ikajudlugit nunalet ilauKataunitsangit nunalinni, pingujunut, amma ilikKusinut ilingajunik
- Aittosiat sitamait \$1,000 jârimi ilitagijaugutik Nunatsiavut Iitagijaugutilinginnut. Aittotik nutângutitauk ilingatillugu pingasunut jârinut

UH:

- Ikajudlugit ikajutsidlugit Inuit Nunalet ilauKatauningit jârimi Gros Morne SilakKijapvimi omajunniatillugit moose-nik

PiKalujak Fisheries:

- Aittosiat sitamait \$1,250-tut ilitagijaugutet jârimi ilinniajunut Marine Institute, sivullipautijauKattajut aittutaujut Nunatsiavut Ikajuttaugutilingit

Bird Heavy Civil Sanajingit:

- Aittosiat \$1,500 jârimi ilitagijaugutik piggasuakKujimut puttunitsanik ilinniavini ilinniaKullugit

UKAUSIKANNIK INUIT ILIKKUSINGINNIK

- Takutitsigunnadluta Inuit ilikKusinginnik niuggusimajunut InigijauKattajumi unik-kânikkut, dânisik, tutsiak, ammalu asingitigut
- SakKititsiKausimajuk ikajuttik IDCA-kuni piusumititsigiamut Inuit kenaujaligut-inginnik piviitsaujunik Inuit Nunangani
- kenaujaKattisidluta ikajutsigiangit Ukiuttatumi Iitagijaugutitsamik Aittosiamik, aittuiKattajut unuttunik katingajinik aittuisiasimaninginnut ikajuttaugutimik Canadamiunik Ukiuttatumi, Inunginnik, ammalu ilonnâgut Canadamik

SIAGUTSUAVINITITUT AMMALU TAKUTSAUNIKKUT

NGC:

- NGC AngajukKânga ammalu AngajukKaunik katimatitsijingalu LICST-kunit ilau-lauttut Nunatsiavut katimajitsuanginnut Kaujitsigiattudlutik 2018-mi aulatsiniu-simajunik (adginguak)
- Ilaudluta kuatangani katimatillugit LICST Kaujitsigiattudluta aulatsigutitinnik ammalu tunitijluta pannaigutimik kenaujalittâjunillu (adginguak)
- Alladlugu jârimi Kaujitsisiutik
- Alladluta pingasunik unikkausimik Kanuilingammangâta uKâlajunik NGC aulatsin-ingit, ilauKatautillugit Kanuittoningit Ikajuttaugutilet
- Ilaudluta nunalet katimatillugit uKâlautautillugit aulatsinigiKattajavut



NGC nunalinni suliatsoKavuk kenaujaliugutilinni. Ukua ilauttitautillugit avatet kamagijautsiagiaKaningit, kenaujaliullutik inositsiagittotitsigasuanik paigijautsiagamullu, atullutik tatigijausongugiamut takutsaulutillu, kenaujaliullutik ilinniatitsigiamut piusiumititsilutillu suliaKattet ilisimagialinginnik, atullutik kenaujaliujaminik ikajullugit nunalet katutjiKatigengit ammalu piusiumitillugit Inuit ilikKusingit.

ADJINGUAT:

1. Nunatsiavut Sanajingit pijagesimajut pejaidlutik igiukKagatsanik suliaKautivininnilu inigijauKattasimajuk Sättujäliuviudluni 2019-mi. NGC kenaujaliusimajuk unuttuni järiulittuni pijagegasuadlugu suliatsoK.

2. NCI kenaujaliusimaningit ikajusimavut pivalliatitsigiamut sanajet ilisimagialinginnik ilonnaini taggâni satjugiami nunalinni. Henry Boase ammalu Richard Abel suliaKaKattavok NLHC suliatsoKanginnik NCI-kuni Hopedalemi, aujanganani 2019.

3. Air Borealis ikajulaukKuk Nain Huskies pattanguattinginnik ilauttisidlutik prâvinsimi pinguaJunut Ganderimi.

4. NGC katiKatiKalaukKut Labradorimi Inuit kenaujanik Pannaigiamut kenaujakkuviligijinginnik December 2019-mi.

5. NGC SuliatsoKangijingit Inc. ammalu Air Borealis tallimanut järinut kântraktiKavut aulatsigiamik Torngat KakKasuanginni InigijauKattajumi. AtuttauKattajuk niuggujunut takutijaudlutik Inuit ilikKusinginnik piusitukanginnilu.

6. NGC ammalu timingutisimajangit kampaniujut pitaKattisiKattavut ilitagijaugutinik Ikajuttaugutilinnik. Sarah Leo, NGC AngajukKânga Aulatsijulluni tunitjiKattavuk Bird Heavy Civil Iilitagijaugutinganik akiKattillugu \$1500-tut aittudlugu Matmatil Angnatok Jens Haven Ilinniavinganit Nainimi sivungagut Matmatil aullalaukKuk ilinniavimut CAN Sanajugiamut kikiatsajanik Corner Brookimi.

Nunatsiavut Group of Companies/Timingutisimajangit SuliaKattet Akiliusiangit (ilauttitaungitut ikajuttaugutet) - December 2019

		NG IKAJUTTAUGUTILINGIT		IKAJUTTAUGUTIKANGITUT			% BY COMPANY	
kampaniujuk	katillugit SULIAKATTET	SuliaKattet	Akiliusiat	SuliaKattet	Akiliusiat	katillugit Akiliusiat	NG IKajuttaugutilingit	IKajuttaugutiKangitut
NMI	50	16	296,337	34	1,034,326	1,330,663	22.3%	77.7%
NCI	57	42	800,274	15	557,662	1,357,936	58.9%	41.1%
NGC	11	6	626,370	5	446,928	1,073,298	58.4%	41.6%
NLC	7	7	67,594	0	0	67,594	100.0%	0.0%
NSI	3	3	9,157	0	0	9,157	100.0%	0.0%
katillugit	128	74	1,799,732	54	2,038,916	\$ 3,838,648	46.9%	53.1%
							100.0%	

Nunatsiavut Group of Companies/Timingutisimajangit NG Ikajuttaugutilingit ammalu SuliaKattet Akiliusiangit Nunalingitigut, January - December 2019

	Akiliusiat						
kampaniujuk	katillugit SuliaKattet	Nain	Hopedale	KipukKak	Makkovik	Rigolet	Asingit Nunalet
NMI	296,337	-	18,543	17,911	23,710	19,519	216,654
NCI	880,274	316,759	56,769	43,186	83,970	156,536	143,054
NGC	626,370	165,175	-	-	-	-	461,195
NLC	67,594	48,465	-	-	19,129	-	-
NGC-NMI	-	-	-	-	-	-	-
NSI	9,157	1,659	-	-	-	7,498	-
katillugit	1,799,732	532,057	75,312	61,097	126,809	183,553	820,903



CHRIS WEBB

AngajukKâk ammalu AngajukKauniuKataujuk, Nunatsiavut Group of Companies

Chris tamaungaujjuk 20-tini jârini kenaujaliujuni ilisimatsiaminik suliat sagijamini, akuniunitsalu ununnisanit 13 jârinit suliat saminimalidluni. Sivukkatattiusimalittuk pivallialdluni unuttunik akuniungitumut akunimullu kenaujaliugiamut pannaigutini, ilautsianginnadluni unuttuni kenaujaliugiamut sakKivaliajuni pitsiasimajamiinilu, ammalu kenaujaliujuni âkKisugiallatâdlugit, tigumiadluni pitsianimmik ikajugiamillu ânanâmmagiudluni. Mânnaujuk itsivautak KatigeKataujuk 19 angajukKauKatigeni, agvanginnik katimatitsijiudluni. AngajukKauKatiget adjigengitunik kamaKattavut suliaKapvimini.

IkajuttaugutiKadluni Labradorimi Iuit Nunamik Satusaijet AngiKatigegutingani, Chris Iitagijaugutilik Ilinniasimanimmuk Suliaigumajaminik ammalu SuliaKattinik Aulatsisongugiamut ammalu SuliaKapvini SuliaKagiamut ilinniasimadluni Saint Mary's Ilinniavitsuangani Halifax, Nova Scotia-mi. Ilagiallugu, pitâsimammijuk AngajukKaunini Sivukkatattiugiamik Iitagijaugutimik ilinniaviuKattatumi ikajuttigejunut Queens ammalu Cornell Ilinniavitsuanginni. Chris hâkinguatiuKataummijuk atâtaudluni ammalu akilittutaugani ilinniatisiKattajuk hâkinguatinik. IniKajuk Happy Valley-Goose Bay, Labrador, aippangalu Robin ammalu inninga Eric.



SARAH LEO

AngajukKauniujuk Aulatsijini, Nunatsiavut Group of Companies

NGC-kuni AngajukKauniulluni Aulatsijik, Sarah suliaKaKattiKaKattavuk angajukKauniujunik namminigijaujuni kampaniujuni ikajuttigejunilu ammalu kamaKattavut Kaut tamât suliaigijaujunik kenaujaliuvini. AulatsiKattavuk kamagidlugillu NGC piusigijangit ilauKataujuni, ilauKatautillugit Ikajuttaugutilet, ilonnainik kavamaligijinik, suliaKapvinginnilu.

Nunatsiavummuk Ikajuttaugutilik, Sarah kiggatulaulkKuk AngajukKângudluni (AngajukKâk) Nain Inuit Nunalet kavamangani 2006-mit 2010-mut. 2012-mit 2016-mut, AngajukKângulauttuk Nunatsiavummi. Sivungani NGC-ekunokKâgani, Sarah NunaKakKâsimajunik kiggatuttiulaulkKuk Vale-kkuni Tasiujatsoami ujaganniatinginni. IlauliaKilauttuk NGC-kunut August 2017-mi Tulligijaudluni AngajukKâmut katutjiKatiget Pivallianinginni.

Sarah Kaujimatsiajuk Nunatsiavummik inunginnilu, ammalu ilaminik suliat sanginnilu NGC ammalu kampaninginnik avittusimajuni, angijummagimmik atuttausiajuk NGC kajusimaningani akKutimini Inuit aulatsininginni sivukkatattiuluni Taggâni. Sarah ilitatsimatsiajuk Labradorimi Inuit Nunamik Satusaijet AngiKatigegutinganik, ammalu COO, suliaKaKatiKaKattajuk angajukKauninik kamagitsiadlugit NGC suliat sangit adjigetisigiamut ilauKatautsiamangâta pivitsaujuni tunijauKattajut Nunamik Satusaijet AngiKatigegutingani.



WYMAN JACQUE

AngajukKâk, Torngait Services Inc.

Wyman ilisimaniKajuk ununnisanik 25 jârinit kenaujaligijugiamik ammalu akuniunitsak aulatsijiusimadluni inulimâni ammalu namminilinni suliaKagiamik. Ilinniagesimajuk kenaujaliujuni Aulatsijugiamik kenaujaliginimmi Cabot Ilinniavingani Ilinniagumajaminik Ilinniasimadluni Sananguatiugiamik Kagitaujanillu (Kaujimajaujuk CNA)

MânaKamik, Wyman Nunalinni Aulatsijiulauttuk Happy Valley-Goose Bay-mi. Sivungagut, tulliuulauttuk Ministerimut kenaujaligijini, SuliaKattinik Aulatsijiudluni, ammalu Kagitaujaligijiudluni Nunatsiavut kavamangani. Nunatsiavukkunut Ikajuttaugutilik, Wyman ilauKataulaummijuk Nunatsiavut kavamangita suliaKattiginnut sakKititsisimalauttuk Labradorimi Inuit kenaujanik Pannaigutingata kenaujakkuvinganik.

SuliaKalluni AngajukKângulluni Torngait Services Inc., Wyman kamaKattavuk NGC ikajuttigenginnik ATCO-kuni ammalu aulajanginnik iningani angikKatigegutimmi Vale-kkunut Tasiujatsoami. SivulittiuKattamijuk TSI kenaujaliugiamut pivitsagijanginnik sakKititaumajunik, ilauKatautillugit kamagijaugialet kampaniujumut unuttunik tigulagiaKaKattaningit suliaKattisanik ilinniatiillugillu.



TOM LYALL

AngajukKâlagik, Nunatsiavut Sanajinginni

Tom Lyall Nunatsiavukkunut Ikajuttaugutilik ilauKataulilauttuk NCI-kunut suliaKakKâdluni namminik kenaujaliuvini. UKautjigijajudluni, Tom ununnisaniik 18-nanit ilisimatsiavuk SuliaKapvini sanavini, Aullaigatsanik ammalu Nunalinni Sanagiamik Suliatsanik.

Ilisimatsiajuk kenaujaliuvini Aulatsijiugiamik ammalu ilisimatsiadluni Sanajiugiamik Aulatsivillaginni, Suliatsanik Aulatsigiamut, Suliatsanik Pivalligiamut unuttunut katingajinut Labradorimejuni suliatsanik. SuliaKannimini AngajukKâlagiulluni NCI-kuni, Tom kamagiaKaKattavuk ilonnainik katutjiKatigennimi pivallianiujuunik.



GARY LATIMER

AngajukKâlagik, Nunatsiavut Imappiligijinginni Incorporated

AngajukKâlagiulluni NMI-kuni, Gary kamagiaKaKattavuk Kaut tamât aulagialinginnik kampaniujop, ilauKataullunilu NGC angajukKauninginnut, akuninut pannaigutimmik, tugâgutingit namungamangâtaluni NMI-kut. Gary ilauKataummijuk angajukKauKatigenut Nunatsiavut Suliatsanginni ikajuttigenikut katillugit Suliatsanik pitaKattisigiamut kaliganik Kangattaigutilinnik atuttaugatsanik Vale suliatsanginni Tasiujatsoami.

Gary ilinniagesimajuk Canadami Sikusiutinut Ilinniavingani Sydney, Nova Scotia-mi. Ilaulilauttuk NMI-kunut Joni 2014-mi Aullagialinnik Aulatsijiudluni, ammalu sivungagut suliaKasimajuk Irving Umialiuttinginni ammalu Imappiligijini Atlantic Inc.,-tikuni.



SHANE CYR

AngajukKâk AngajukKauniuKataudluni Universal Kulimigonginni

Shane suliaKasimalittuk Kulimigoligijini 1996-iminit ilauliaKilauttuk Universal Kulimigonginnut 2015-mi. SuliaKasimajuk ilonnâni Canadami, Taiwan, Peru, Brazil, ammalu Australiami suliaKaKatiKâdluni sulialinik nunami imappimilu Kulimigonik. IlauKataujuk mâna AngajukKauKatigenut Universal Kulimigoligijinginnut ammalu HAC (Helicopter Association Canada). Pigiasilauttuk nunami aulatsijiugiamik Kulimigot Kijunniatillugit British Columbiami, Shane suliaKasimalittuk adjigengitunik suliatsanik unutsivalliatillugit kamagigialingit ilonnâni suliaigijamini. Ununnisanik 17-nanit jârinit ilisimajuk aulatsisongugiamik. Shane tigumiajuk ilitagijaugutimmik Vancouver Island Ilinniavitsuanganit ammalu Nalunaikkutamik kenaujaliujuni Aulatsisongugiamut ilinniavitsuanganit Sydney Australiamit.



CLINT DAVIS

katimatitsijinga Labradorimi Inuit kenaujanik Pannaigutingata kenaujakkuvingani

Clint pigutsalauttuk Happy Valley-Goose Bay-mi. Iltagijaugutilik kenaujaliugiamut Aulatsijillagimmi ilinniasimanimminut Acadia Ilinniavitsuangani, Nalunaikkutamik Maligatsaligijugiamut Dalhousie Ilinniavitsuanganit, ammalu nalunaikkutammik Inuit Aulatsivillagimmi suliaKasongugiamut Harvard Ilinniavitsuanganit.

Clint angajukKauniuKatauvuk Taggâni 35 kenaujatigut Ikajuttigenut, Inuit nammininga uKautjigajet ikajuKattajut NunaKakKâsimajunik kavamanik ammalu pivallianingit kuaparesaujut.

Clint angijummagimmik ilisimatsiavuk NunaKakKâsimajut kenaujaliuvinginni pivalligiamik, ammalu sivungani AngajukKângusimajuk ammalu angajukKauniuKataudluni Canadamiut katutjiKatigenginni NunaKakKâsimajut kenaujaliuvinginni, Silatsualimâmi Aulatsijiudluni kenaujanik BMO-kuni, ammalu mânnaKamik, VP, NunaKakKâsimajut Bankinginnit TD-kuni.



ISABELLA PAIN

Isabella inolisimajuk pigutsadlunilu Nain, Nunatsiavummi. Ilinniagesimajuk Memorial Ilinniavitsuangani Iltagijauguttitâdluni Sananguatiugiamik (kavamaligijugiamut), mikinitsanillu kenaujaliuvinnni.

2000-timi, tilijaulauttuk tulliuKujaudluni satusaijet angajukKânganut Nunatsiavut nunamik satusaijet katimajinginni. Jâri nâmmat, angajukKânguttitaunialidluni satusaijini AttutauniuKattajunut Ikajuttaugutinullu AngiKatigennimi (IBA) Tasiujatsoak Ujaganniavingani (VBNC). Isabella NunaKakKâsimajunik kiggatuttiunialidluni VBNC-kuni 2004-mi ammalu ilauKataudluni katimajinut kamagialinnut Inuit allailu Innu IBA angiKatigegutinga atuttausiagaluammangât kamagiaKadluni.

Taitsumanitsainak jârimi, Isabella aittutaulauttuk Canadami "Puttunipaujumi 40 Atâni Jârilinnik." Aittosiak ulinnaisivuk inosuttunik pitsiasimajunik Canadamiunik kenaujaliuvinni takunnataujut ilisimatsianingit, ammalu uttitsiligettut nunagijaminut.

Isabella suliaKagiasilaukKuk Nunatsiavut kavamangani 2009-mi. Ullumi suligigialingit Tulliuluni Ministerimut Nunatsiavut Putunippânginni, Allatiudluni AngajukKaunet katimajinginni, ammalu akuniunitsak satusaijiuKatausimalidluni.



NATAN OBED

Natan Obed AngajukKâk Inuit Tapiriit Kanatami, silatsualimâmi katutjiKatigenik kiggatutti Inunnik Canadami. Nainimiuk, Nunatsiavut, ullumi iniKajuk Ottawa-mi. Iltagijaugutilik Kallunâtitut America-miuttitullu Ilinniasimajaminik Tufts Ilinniavitsuangani.

Senani jârini, iniKalauttuk Iqaluit, Nunavummi ammalu suliaKadluni inuliginimmik ilikKusinillu pivallianimmi Nunavut Tunngavik Inc., kiggatuKattajuk pivitsanginnik Nunavut Inuit. Atusimalittuk ilisimajminik suliaKaKatiKadluni Inunnik kiggatuttinik katutjiKatigeni piusiumitigasualugit inosingit Inuit Canadami.



KRISTY SHEPPARD

Kristy inilik Rigolettimi. Iltagijaugutilik Sananguatiugiamut Inuligigiamik ilinniasimajuk Acadia Ilinniavitsuangani, ammalu NalunaikkutaKadluni Niuggutinik Aulatsisongugiamut Royal Roads Ilinniavitsuangani.

Kristy akuniunitsak suliaKasimalittuk aulatsijjudluni Nunatsiavut kavamangani. SuliaKasimalittuk senani järini ammalu kamaluasimajuk nunalet pivalliaauninginni. Nunatsiavummi sivullipaudluni Aulatsijigisimajanga Niuggunimmut, ikajusimajuk sakKititsigiamut avitusimajunik niuggunimmut. Kristy mánnaKamik nosimajuk suliatagilittaminut Aulatsijugiamik kenaujaliugutet Pivalliaauninginnut. IlauKatauniagami Atanigusiup Sivukkatattingit katimaniammata 2017-mi, ilitagijaulauttuk ilangauninga 250-nit sivukkatattinit Canadami.

Kristy ilautsiaKattajuk kiggatulluni suliatanik katutjiKatigennimi, ilauKatautillugu SmartICE ammalu NunaKakKâsimajut kenaujaliugiamut Pivallianinginnut Kaujisagiamut Suliatani.



GARRY BEST

Garry Best pigutsasimajuk ilinniadlunilu Happy Valley-Goose Bay-mi. Garry ilinniagesimajuk Memorial Ilinniavitsuangani Iggaviligijugiamut suliatanik, kiggatusimajuk 23 järini Sotjani, ammalu mánnaujuk Avittusimajuni AngajukKauniujuk, Ontario-mi, First Nations allani ammalu Inuit Inositsiagittotitsigasuanimut SuliaKapvingani, NunaKakKâsimajut kiggatullugit Canadami.

Garry sivukkattiuKattasimajuk suliaKadluni Canadami Unatattini, ammalu taimanganit 2006, tigumiasimalittuk unuttunik suliatanik federal kavamangani. Pitsiasimajuk ilauKataudluni unuttunut First Nations allanut suliatanginni, ilautillugu kamagigialldlugit notti-tauningillu Manitoba First Nations allait attutauniKaniammata 2011-mi kogutjauniammata First Nations allait SuliaKapvingit Illungillu, uKagunnasiadluni pitsatujumik sivukkatattiunimminik ammalu aulatsigiamut ilisimajaminik.